

四庫全書

史部

欽定四庫全書

史部

江南通志卷二十六

詳校官給事中_臣丁雲錦

檢討_臣德生覆勘

總校官編修_臣王燕緒

校對官中書_臣葉炎

謄錄監生_臣任鑑

欽定四庫全書

江南通志卷二十六

輿地志

闕津

二

橋梁鎮市附

鎮淮揚徐四府
太海通三州

鎮江府

無

西津渡在丹徒縣西北九里北與瓜洲對岸舊名

蒜山渡宋乾道中郡守蔡洸置五艘以禦風濤元

延祐中增船十五明正統間巡撫周忱作二巨艦

僉水工三十餘人又甃石堤三十餘丈

國朝京口設有護漕救生船康熙四十六年

聖祖南幸駐蹕茱萸河以救生船少

特諭巡撫于準議行添設乃選京口漁舟計六十餘隻日

用其六更番應調活一人者予一金死者畀三之

一著為例又捐置義田五百畝以其歲入給工費

犒賞有餘則儲為來歲之用鎮江知府馮庭棠為

記勒石唐杜牧之有詩

國朝姜宸英有義渡贍產碑文

自岷山導江而下出峽
汗漫數千里至金焦一

來水旋行逆折然後朝宗於海此曹子桓所為臨
江賦詩徘徊而不敢進者也然余考之史記秦始皇
登會稽還從江乘渡註其地在句容縣北六十
里不知何時復徙瓜步梁庾信集有奉命使北始
渡瓜步江詩至唐開元二十二年刺史齊幹以舟
行繞瓜步回遠六十里始從京口埭下直趨渡江
路徑而免漂溺之患故自唐至今瓜步渡者皆從
而之京口然往時京口與揚子橋對岸瓜洲特江
中一洲耳後瓜洲以北淤漲與揚子橋連南直對
潤州江身益狹江身狹則水流益汎急舟緣金山
之麓而行春秋之間上流泛漲山水相搏觸漩而
為渦激而成湍雖恬風霽景猶懼變生不測少遇
風波失利一飽千金故京口之渡為天下最險余
六月渡江登山見山足驪舟五六舟人操楫而

坐若有待者寺僧深衷進曰此為濟渡之舟自巡撫某公設此後凡有事於茲上者及往來行旅各捐俸及資益造舟買田置市租以贍水手之稍食及其賞格之費焉然久滋易弛也某懼斯人之弗脫於險而大鑒前功願得一言以示來者余惟易既濟稱君子思患而預防其說在六四爻曰緇有來初終日戒夫涉川者不能戒之於未濟之前特恃其一舟之無隙以與彼狂飈駭浪爭命於呼吸之頃固且不可況於待其既濡然後操舟而拯之此與夫救火者之焦頭爛額何以異然而聖人之慮患也徧視夫事之可需者則需之有需之不能不得已而濟者則終日戒之至不得已而濟而終日之戒之猶不足以勝夫所濟者之險既已瀕於死亡矣乃忽然而得生彼仁人者之於此視夫人之脫之死而易之生其心樂不樂也自數舟者之設常歲活人以四五十計不十年而得活者四五

百人矣由十年以前觀之彼四五百人者皆江上之遊魂水府之鬼錄也然則使自今十年之後之人有一不得濟以淪胥以亡者於吾心不且有戚戚乎哉若夫推前人之心以繼於無窮此則思患豫防之道宜如是也深爽學佛者也為佛之學者使人求福於冥冥其說多幻妄不可信深爽獨能推廣有司德意使人之得免於險阨且曰吾佛之道固然其為世利益多矣余樂其有是請也而書

石公渡縣東北六里石公山下

大港渡縣東北大港鎮西 高資渡縣治西四十

里 甘露港渡 右丹徒

李莊渡丹陽縣東南五十里

周家渡

花家渡 右丹陽

蔣家渡 金壇縣北十里

官載渡 縣北十五里

龍宿渡 縣東石牌村北 右金壇

清風橋 丹徒縣治南跨闕河 宋景祐間郡守范希文重建 又名范公橋

嘉定橋 縣治西南舊名利民橋 跨闕河 宋淳熙中郡守錢良臣甃以石 覆亭其上 人呼為錢公橋 嘉定中復甃之 故又名嘉定橋

千秋橋縣治西跨闕河晉王恭作萬歲樓於城上
橋與樓相對因名千秋

綠水橋縣治北跨闕河舊為游觀之勝唐杜牧之
有詩俗呼為高橋 昇仙橋城南鶴林寺前

大鶴鳴橋城東南一名孩兒橋上有石欄

惠民橋縣東十五里丹徒鎮

澗壁橋在澗壁鎮跨澗壁港

大港橋在大港鎮

馬公橋縣東南四十里新豐鎮跨漕河舊名陸公橋

國朝康熙十年橋圯巡撫馬祐重建因改今名

泰運橋府城南門外跨運河為吳郡往來孔道

丁卯橋縣南三里跨運河晉元帝子哀鎮廣陵運

糧出京口水涸奏請立埭以丁卯日制可後人構

橋因名唐許渾築別墅於其側

丁角橋縣西南七十里丁角鎮

通阜橋府西門外舊為板橋以當江寧衝道明萬
厯中甃以甃

洗馬橋城西京口驛以唐太子洗馬陳翌所建因
名

高資橋縣西五十里宋延祐中建

鎮西橋城西北舊名拖板橋元至順二年重建尋
又圯明正統中重建

右丹徒縣

雲陽橋丹陽縣治東跨漕河舊名清化橋又名賢
橋宋嘉熙中建後圯淳化中重建弘治間濬漕河
拆毀尋復建

惠政橋雲陽橋右俗名斜橋明成化中建

三思橋縣治南大德間重建覆亭其上

七里橋縣東南七里漕渠南岸珥瀆河宋元祐中
建明嘉靖間知縣來汝賢改名麥舟橋以宋范純
仁贈石曼卿麥舟於此

嘉成橋縣南四十里珥村鎮宋嘉定中建

泰定橋縣東呂城鎮一名大橋跨漕河元泰定中
建

蕭塘橋縣東二十里蕭塘港一名顏橋元泰定間
建

博望橋縣東四十里

西楊橋縣東南四十里跨丁義瀆一名安豐橋元
至正間建

馬林橋縣西北跨辰溪長山八十四派水皆由此入練湖宋嘉定中建

花埠橋縣北二十里花埠鋪前明洪武中建

丁橋縣西七十里丁橋鎮相傳以丁令威得名

黃堰橋在縣西南四十五里亦名通德橋宋咸平中建

馬嘶橋縣北六十里跨馬嘶港

寨橋縣北七十里

萬年橋縣南延陵鎮唐貞觀中建其後屢圯屢建

右丹陽縣

春雨橋溧陽縣治東舊名春市橋俗呼為中橋宋
嘉定中建時久旱得雨因名陳子高詩屐聲春市
雨人語夜橋燈即此 胥渚橋縣東四里

硯瀆橋縣治東北謝玄暉洗硯處

秦公橋縣東南一里俗呼為下橋

鳳凰橋縣北一里雙虹如翼俗呼為雙橋

國朝朱雯有重建雙橋記

古聖人制度之興凡以前民利用故城郭廬舍而外復有

橋梁之制其來尚矣王政火覲道弗歲十一月徒
枉成十二月興梁成咸以濟民也其初始於架木
後世或甃以石或浮以航惟因乎地之宜故周文
造舟於渭秦公子鐵造舟於河迄今載之史傳不替
重哉溧陽為金陵輔邑其東南多山若金雞石屋
盤白諸勝列如翠屏鬱然也獨西北皆陂池塘澤
洪流巨浸集建平高淳諸道之水而匯於茲焉閭
史水記曰溧陽之水東而南水之去道也西而北
水之來道也茲由固城五堰而下經昇平三壩會
於溧水之曹姥山然後直注於雙橋即今所稱鳳
凰橋者嗣是繞城分三流而入於荆瀨諸溪則茲
橋其鎖鑰云地為通衢往來所聚肩摩輻擊不能
褰裳而往也明弘治初邑令新符公建雙橋跨其
上以便行旅歲月奄曠橋制傾圯邑吏部史公復

鳩工而新之沈青霞先生為之記茲閱百年而履
跡上啟木蠹下啣不無爛漚解拆之患壬戌冬予
署篆茲邑觀舊制之將頽也慨然憂之曰橋梁之
制王政先之凡以利民也昔陳少游為觀察使設
梁以禦虐水生民賴之至今呼為大夫橋杜預造
橋梁於平津衆論翕然以為不可預力任之梁成
而君賞其功民拜其惠十世誦之不衰豈非利民
之事為士君子所不可諉乎獨予貧吏不能勉力
任事如兩公而輸民力以供興作又勞民傷財之
是懼幸有善者同力而擎舉之以聚沙成塔之心
成鞭石為橋之果懸壑山伐木之雇募其力撥攢
鑿撞秘之用庇其工具舁輦畚築之器備其用俾
輸棟樑者若干輸蔣樞者若干輸甃甃者若干版
築具興材殖互飭將不日而告厥成焉將見二水
中分夾綠虹而並跨雙橋齊峙駕明鏡以參差是
固予之志也夫不然則時之沍寒民將胥溺亦鳩

爾衆而備王
政之一端歟

嘉定橋去縣四十里跨中江一名中江橋唐開元
間嘗剏浮梁宋元祐三年建橋曰衆樂嘉定中重
建改今名

上興埠橋去縣六十里

安樂橋去縣三十五里隋大業初建以甃甃兩岸
故又名甃橋

南渡橋去縣三十五里

渡濟橋去縣十二里跨瀨水萬厯中建傍有伍相

國祠

鎮安橋縣南三十里戴埠鎮諸山澗水皆匯於此
右溧陽縣

文清橋金壇縣治東百步舊名行香橋又名惠政
橋宋淳熙中建端平中又撤而新之改今名

清河橋縣南二百步舊名安定橋宋端平中斃以
石改今名俗呼為文橋

鍾秀橋縣北三里舊名懷德橋明成化中建嘉靖

中甃以石又名鐘橋相傳古有銅鐘流至此故名
濯纓橋縣北九里舊名三里岸橋茅山水自此出
運河明弘治中甃以石下為三洞

蓮渚橋縣東北八里明萬厯初建

周公橋縣東南五里跨錢貲蕩即舊刁莊渡明弘
治間構木橋萬厯中易以石

觀龍橋縣西南二里舊名社橋以明太祖曾經此
易今名

畫錦橋縣東八里石牌村宋紹興中建

大雲橋縣東南四十里洮湖西北岸舊為彭期渡
元大德間築長堤建石梁為宜興溧陽往來孔道
東壚大橋縣西二十三里跨大溪為茅山水所經
明正德間建

莊城橋縣西北三十里為唐儲光羲故居

高下湖口橋縣北八里明永樂間圯弘治中復建
唐王橋縣西四十里唐王村一名雙橋

右金壇縣

丹徒鎮丹徒縣東十五里運道所經商旅輻輳有
東西二港皆通大江達運河或曰鎮即故丹徒縣
今土人稱為舊縣有巡司

大港鎮縣東南四十里以通大港而名又東四十
里安港口有安港巡司明洪武初置今因之

新豐鎮縣東南四十五里與新豐塘相近唐至德
二年趙侃等濟江至新豐大敗永王璘即此陸游

云李太白詩南國新豐酒東山小妓歌又唐人詩
再入新豐市猶聞舊酒香皆謂此非長安新豐也
高資鎮縣西五十里明洪武初置高資巡司并置
驛今因之

丁角鎮縣西南七十里

右丹徒縣

呂城鎮丹陽縣南五十里明洪武初置呂城巡司
今因之

延陵鎮縣南三十五里即故延陵縣也宋熙寧五

年省縣為鎮以地分隸丹徒丹陽金壇三縣又置
延陵寨於此

丁橋鎮縣南六十里

珥村鎮縣西南四十里珥瀆河西岸南接金壇縣
界

埤城鎮縣東北五里接武進縣界

右丹陽縣

戴埠鎮溧陽縣南三十里為入南山總路凡山中
所產載至鎮始登舟

覽橋鎮縣北三十里舟往金壇者必經此亦一孔道

社渚鎮縣西南六十里

上興埠縣西北六十里赴江寧者路必經此舊設巡檢司今裁

右溧陽縣

迪莊金壇縣西南二十五里

直里在縣西三十里莊城在縣西北三十里

西陽在縣西七十里 倪莊在縣西七十里

右金壇縣

淮安府

南鎖關在山陽縣南一里 安樂關縣西北三里
柳淮關縣東門外三里一名下關

雲梯關縣東北二百里淮北海口其地有一套至
十三套

板橋關縣西二十里運河之北關差駐劄 右山陽

海關阜寧縣小南門外

北關清河縣東南通濟牐口有部司收稅

五港口護鹽關安東縣東北七十里元至元九年
遣步騎連州攻破射龍溝五港口鹽場白頭河四
處城堡即其地

三岔關桃源縣東三十里明初設關有巡檢司查
納梔封明末改移白洋河今設巡檢司於此

上關渡山陽縣來遠坊之西

下關渡舊淮陰驛後 清河渡縣西南十五里

顏家河渡黃河自清江浦東下十里草灣分南北
二支其北十五里即顏家河也

清江浦渡郡城西三十里 右山陽

喻口渡鹽城縣北一百二十里為淮河津要

清溝渡阜寧縣西南百里

小清口渡清河縣東北五里

夏家湖口渡縣西北二十五里

王家營渡

大清口渡縣東北十里 右清河

淮河渡安東縣壩上巡司前

五丈河渡縣東北三十里

五港口渡縣東北七十里 右安東

白洋河渡桃源縣西六十里

崔鎮渡縣西北三十里

縣北渡縣北三百六十步 右桃源

東仁橋山陽縣新城東門外

西義橋新城西門外舊名西鐵橋行旅輳集之所
平河橋縣南四十里南至寶應六十里為往來通
衢

周家橋縣西南九十里北去高家堰五十里又南
為翟家壩淮水東溢往往從此奔衝隄防至要
羅家橋縣西北三里羅家溝

伏龍橋縣東八十里 通津橋縣東北十里

右山陽縣

會龍橋阜寧縣東南

拱極橋縣東北

昇仙橋縣西南清溝鎮

右阜寧縣

登瀛橋鹽城縣西門外

通海橋縣北門外

通濟橋縣東南五祐鎮

永安橋縣北新興鎮

方橋縣西岡門鎮

仁和橋縣西南沙溝鎮

新陽浦橋縣西一百二十里

右鹽城縣

洩水橋三座清河縣汪家窪

屠家橋在屠家莊

三孔橋在賀家堆雍正八年奉

旨動帑興築通京道路自王家營起至通州止於清河縣

境內建洩水屠家莊三孔等橋以便往來商旅

石人溝橋縣西十里 湯家澗橋縣北六十里

中和浮橋一在縣東青龍菴一在縣西雙金牖一

在王家營

沙埠橋縣東南六十里

霍山澗橋縣西南九十里 棠梨溝橋縣北十里

爬泥蕩橋縣北七十里 瓦子灘橋縣東北三

十里

右清河縣

化龍橋安東縣治東 文衢橋縣東又名分司橋

東市橋縣東 西市橋縣北半里

太平橋縣北一里因近太平鎮故名

蘭墩河橋縣東北四十里 遏蠻河橋縣東北七

十里

平望河橋縣東北八十里

夏家口橋縣北三十里

白洋河橋縣東北九

十里

鹽場河橋縣東北一百里

右安東縣

張四沖橋桃源縣東二十里

蕭家橋縣南五里

崇河橋縣北四十里

赤鯉湖橋縣北七十里

穿城橋縣北穿城集通宿遷沐陽大道

右桃源縣

西湖嘴市山陽縣運河東岸舟楫停埭商賈駢集

邱瓊山有詩

版牘鎮縣西二十里

清江浦鎮縣城西三十里古名公路浦又名淮浦
水陸孔道百貨叢集

劉莊在縣東南一百五十里明嘉靖中倭據廟灣
東侵淮安官兵敗之於姚家蕩又敗之於劉莊即

此

廟灣鎮縣東北一百八十里為郡境要隘海舟鱗
集商貨阜通有鹽場萬厯二十二年築城周四里
高二丈餘

右山陽縣

馬邏鎮阜寧縣東北九十里元至元十二年於此
置馬邏軍寨有巡司 童營鎮縣西北六十里
羊寨鎮縣西五十里 東溝鎮縣西南五十里

蒙隴鎮縣西南六十里 北沙鎮縣西北五十里

清溝鎮縣西南百里

伍祐鎮縣東南三十里羊寨鄉有伍祐鹽場

右阜寧縣

沙溝鎮鹽城縣西南一百里有巡司

岡門鎮縣西十八里 新河鎮縣西五十里

安豐鎮縣西南一百二十里

大岡鎮縣西南五十里

喻口鎮縣西北一百二十里宋紹定三年李全據楚州造浮橋於喻口以便鹽城往來即此

新興鎮縣北十八里有新興鹽場

姚宗場縣西北商賈輳集為濱河大鎮其北為山陽劉莊

右鹽城縣

馬頭鎮清河縣東五里近淮陰故城為漕運往來要道明置巡司今因之 吳城鎮縣西二十里

洪澤鎮縣東南六十里濱淮河南北孔道設洪澤驛及巡司自高堰築後湖水汎溢鎮遂湮廢

老子山鎮縣西南一百里與泗州盱眙接界

漁溝鎮縣北四十里舊有水道通海口唐皇甫冉有詩
澗橋鎮縣北六十里鎮西有湯家澗

官亭鎮縣北九十里舊名崇河集明初都金陵此為山東驛傳中道設爬泥蕩鋪建有官亭故名

大河口鎮縣東北五里即本縣舊治

王家營鎮縣東北三十里入京孔道雇役車騾必出於此為一縣大鎮

娘子莊鎮縣東北五十里

永興集縣東北八十里與山陽接界

右清河縣

阜民鎮安東縣北三十里 金城鎮縣北三十里

長樂鎮縣西北一百里有巡司白頭護鹽關設於此與海州新安鎮交界

魚場口鎮縣東北一百三十里

南門市

化龍橋市

廟後市

右安東縣

三義鎮桃源縣東三十里舊名三汊鎮明置巡司
今因之

白洋河鎮縣北六十里商民輻輳鎮有市橋與宿
遷縣分界橋東桃源縣橋西宿遷縣舊有巡司

國朝順治中設遊擊駐防今裁

崔鎮縣西三十里

張四沖鎮縣東二十里

河北鎮縣北二里即重興集

赤鯉湖鎮縣北八十里

丁市岡集縣西南四

十里

右桃源縣

揚州府

鈔關在挹江門外南連吳會北擁長淮西接濠滁

東通大海天下水陸要衝有關差駐劄

趙公渡鈔關浮橋東

白馬廟渡南門外白馬廟前

瓜洲渡縣南四十五里瓜洲鎮與江南鎮江相對
江面十餘里唐張佑有瓜洲聞曉角詩宋王安石
有船泊瓜洲詩

安樂渡縣北五十七里一名小張家渡

高江渡縣北六十五里路達高郵州界右江都

黃泥灘渡儀徵縣西南四里元許謙有詩

新城渡縣東十里 花園渡縣西十里

樸樹灣渡縣東三十里

石人頭渡縣東四十里接江都縣界

瓜步渡縣西南四十里接六合縣界

建安渡縣西南宋太祖斬杜著處 右儀徵

南門渡高郵州城南

西門渡州城西門外西北通天長泗州界

車邏渡州南十五里 白家渡州西南四十五里

張公渡州西南四十里

閔家橋渡州平柯東村 右高郵

龍舌津興化縣東門外 南津縣南門外 右興化

白田渡寶應縣南門外 晏村渡縣西南七里

蔣家渡縣西十五里 黎城渡縣西黎城鎮

白馬渡縣西北白馬湖邊 三里渡縣北三里

黃浦渡縣北黃浦鎮 右寶應

新城渡泰州北五里 王家渡州西南十里

沈家渡州西十五里 右泰州

通泗橋江都縣治東東西跨市河其水通淮泗故名

太平橋縣治東南跨市河 文津橋府學東跨市河

止馬橋東門外明武宗南巡百官至此下馬因名
鈔關浮橋新城挹江門外戶部分司前

九龍橋縣南三里官河東岸

揚子橋縣南十五里自古為戰守要地唐開元以後為沙洲所隔齊澣開伊婁河於揚子橋南遂為往來通津今運舟西自儀徵南自瓜洲至此合而北蓋總會之所也

紅橋北門外翼以朱欄岸多荷花為郡人遊觀之地

小市橋在北水關俗名宵市橋相傳隋煬帝時於

此開夜市故名

法海橋法海寺前

槐家橋縣北十五里跨槐家河唐末楊行密張神

劍屯兵處

大橋縣東五十里一名帶橋

右江都縣

天寧橋甘泉縣北門外天寧寺前

惠政橋縣北邵伯鎮舊傳謝安以政惠民故名

寶公橋邵伯鎮南

通湖橋在邵伯鎮

鳳凰橋

壁虎橋

右甘泉縣

望江橋儀徵縣治南跨裏河即今鼓樓橋

通濟橋縣東即東關浮橋 坡橋縣東南十里

澄江橋縣東南俗呼天寧橋

仁壽橋縣南跨外河 清江橋縣南跨運河

飛虹橋縣南三里三壩東

何家港橋縣東南二十里明嘉靖中建石梁為瓜

洲京口通衢

龍門橋縣南十二里

胥浦橋縣西十里相傳伍子胥入吳渡江處

右儀徵縣

安定橋高郵州治西南舊名南濯衣橋

通濟橋安定橋北舊名北濯衣橋

澄清橋州治東

多寶樓橋州北門外商賈輻輳之所

新橋州南門外跨濠河

稅務橋古名遐觀橋在稅務局前宋嘉定年建

通湖橋在州新河堤

吳家橋州城西南三十里太師港口

三星汪橋州東南十五里俗名三仙灣橋州志云
每年除夜有仙人作左紋稻草籬纏於橋樁上籬
之高下其年之水必如之不差分寸居人相約於
除夜往候一無所見至曉視之而籬已在樁上矣
其相接處無痕跡人雖極力效之終不能成亦一

異也

高橋州東四里白塔河

右高郵州

中和橋興化縣治西南即八字橋相近為永福橋
東來之水自此支而北中和永福兩橋跨之參差
如八字然

文林橋縣西南跨市河

羅漢橋縣西寶嚴寺前

豐樂橋縣西河口鎮與高郵州分界

萬善橋在勝湖里龍珠禪院前

右興化縣

嘉定橋寶應縣治跨市河舊名孝仙橋宋嘉定中
重建改今名

廣惠橋縣治西南跨市河俗呼為新橋

瑞芝橋縣東門內宋元豐三年建產芝五莖因名
通海橋縣北門外舊名遺愛橋

五里橋縣南五里汜光湖口

汜光橋南四十里汜光湖上

潘家大橋在瓦溝溪

右寶應縣

太和橋泰州治東南一名州橋跨市河宋紹興中
建

樂真橋州治南宋淳熙十二年建嘉定七年重建
豐利橋城南水關上舊名暮春橋宋淳熙三年建

泰寧橋州治南宋淳熙中建跨中市河

谿光橋市河東

鳳凰橋州治東跨長堤

經武橋州治西南跨西市河宋嘉定中建

濟川橋南門外一名高橋跨運鹽河為如皋通州

孔道明正統間建

鑿湯橋州北三里相傳宋太祖至州民有獻鑿湯

者飲而甘之因以名橋 朝宗橋州北西溪鎮

右泰州

瓜洲鎮江都縣南四十里有巡司揚子江中沙磧也沙漸漲出狀如瓜字接揚子渡口民居其上自唐開元以來漸為南北襟喉之處明嘉靖間以倭警築城設守備等員

國朝設瓜洲水營叅將西接儀徵東接三江口四面防守

萬壽鎮縣東四十里

上官鎮縣西北六十里上官橋有巡司

宜陵鎮縣東北六十里地勢高阜居民稠密自灣頭達泰州之通道也大橋鎮縣東五十里

右江都縣

邵伯鎮甘泉縣北四十五里官河東岸商民輻輳帆檣雲集明初置巡司又置邵伯遞運於此今因之

大儀鎮縣西七十里接天長縣界宋紹興四年韓世忠於此勒五陣設伏兵二十餘所大敗金人世

謂大儀之捷為中興武功第一蓋其地也

右甘泉縣

新城鎮儀徵縣東十里運河所經商民湊集之地
石人頭鎮縣東四十里瓜步鎮縣西五十里
何家溝鎮縣東南二十五里

右儀徵縣

三垛鎮高郵州東四十里建炎中岳飛屯軍於此
以禦金兵三戰三捷其地有三垛橋跨山陽河

車邏鎮州南十五里

北阿鎮州西北八十里接寶應縣界晉僑置幽州
於此

張家溝鎮州北三十里明置巡司今裁

界首鎮州北六十里接寶應縣界

樊汭鎮州東南六十里接江都泰州界

時堡鎮州東北百二十里有巡司

右高郵州

陵亭鎮興化縣南三十五里唐大順初朱全忠將
龐師古攻下天長高郵引兵深入與賊將孫儒戰
於陵亭即此

長安鎮縣北三十五里

芙蓉鎮縣東北三十五里

安豐鎮縣東北六十里明置巡司今因之

右興化縣

射陽鎮寶應縣東四十里本縣故城臨湖周遭百
餘里古射陂地

槐樓鎮縣南二十里運河堤上有巡司

瓦甸鎮縣南三十里汜水鎮縣南四十里

衡陽鎮縣西南百二十里有巡司

黎城鎮縣西九十里黃浦鎮縣北二十里

右寶應縣

姜堰鎮泰州東四十五里臨運鹽河

海安鎮州東一百二十里唐置海安縣後廢為鎮
居如皋泰州之中東可以控禦狼山通州西可以

捍衛揚州明置巡司今因之

斗門鎮州南三十里接江都界宋淮南轉運副使吳遵路置斗門以資蓄洩因以名鎮

港口鎮州東北十八里北濱運河

寧鄉鎮州東北六十里隋置寧鄉縣後改為鎮明設巡司今因之

西溪鎮州東北百二十里商賈萃聚之地宋有西溪鹽倉天聖中范仲淹監西溪倉即此明設巡司

今因之

右泰州

徐州府

無關

呂梁渡

喬家渡

末直渡 右銅山

冀門渡蕭縣西北十里 曲里渡縣西北三十里

東鎮渡縣西北五十里

朱珊渡縣西北二十里 右蕭縣

沂河渡邳州西北一里 泗水渡州南二里

武河渡州西南六里 龍化渡州北三十五里

張村渡州北七十里 右邳州

皇華渡宿遷縣治西南一里

新路口渡縣西一里 小河口渡縣南十里

直河渡縣南十里 右宿遷

廟灣渡睢寧縣西北二里睢水南北之衝

麻墩渡縣北三十里 右睢寧

東門橋府東門內洩城中積水出東南隅水門入支河

荆山口石橋在銅山縣城東北二十里山前有河甚廣下多亂石舊有橋跨其上為南北通衢後圯里人張膽捐二萬六千金壘石為長橋數里人甚便之

柳泉橋縣東北鳳凰山下

九里溝橋縣寒山堰上

楚溝橋縣南十五里

永濟橋在呂梁下洪

黃家橋在呂梁上洪

右銅山縣

永固橋蕭縣南永固山下一名董大橋

廟橋縣東南妙嶠山西 天門橋縣東南天門山

萇池橋縣東南白土山北俗名響水橋

桃山橋縣東南桃山 陶墟橋縣東南黃桑谷南

周腫橋縣東南龍泉山下 錦川橋縣西南紅亭鄉

仙臺橋縣北五里三仙臺下

吉安橋縣西北趙家園

右蕭縣

鞏濟橋碭山縣東門外 五王鋪橋縣東三十五里

狐父橋縣南三十五里史記曹參破秦軍取碭狐父即此

右碭山縣

天津橋豐縣北門內 白洋橋南門外一里

泡橋縣東七里 龍霧橋縣東北五里

嵐橋在嵐山前

人鞏橋縣北二十里

大聖橋縣東北四十里

右豐縣

飛雲橋沛縣南門外相傳為思漢祖歌大風建河

水經其下入泗水為往來津要 鴻溝橋縣東十里

沙河橋縣之沙河渡 震遠橋縣東夏鎮

右沛縣

玉虹橋邳州東北一里舊名沂水橋

黃家溝橋州東北十里 溜溝橋州東二十里

洪河橋州東南三十里

步雲橋州西北四十里一名五丈橋

高橋州西北三十五里 橫溝橋州西北一百里

履坦橋州北二十里

營河橋州北九十里伽口集東

登龍橋州北一百二十里舊名石橋

薑石橋州北一百二十里地石如薑

右邳州

朝陽橋宿遷縣南三里 上口橋縣南十里

迎恩橋縣西四里

廣濟橋宿遷舊縣北一里 拱宸橋縣北四里

管坊湖橋縣北四十里其地廣袤可十里北極青

齊南通吳楚往來輪蹄不絕伏秋淫雨泥淖難行

萬厯丙申知縣何東鳳甃石建橋自為記

坡石橋縣北園田湖

右宿遷縣

通濟橋睢寧縣北闕外 余家橋縣東二里

白龍橋縣南二里 呂公橋縣南二十里

戚家橋縣南二十五里 邵公橋縣南十五里

右睢寧縣

卞塘鎮在銅山縣東昌化鄉以近卞塘湖故名九
域志彭城縣有卞塘呂梁二鎮府志為卞塘集
呂梁鎮府志為呂梁集有巡司

右銅山縣

永固鎮蕭縣東南二十里 永寧鎮縣西三十里
安民鎮一名東鎮縣西四十里

趙家圈縣西北六十里大河北岸津要處明設巡
司

國朝兼設蕭營守備駐防康熙三十年巡司移駐張山
店

右蕭縣

西鎮店礪山縣東五十里有公館

南鎮集縣南十八里

北鎮集縣西北十五里

王達店縣西三十五里

雙溝集縣東北十五里

毛城集縣東三十里

右礪山縣

艾村集豐縣東南十五里今名杏花集又午溝集
在縣南五十里西即礪山界朱溫生長于此今沒
於河

華山集縣東南三十里 棠林集縣南二十里
苗城集縣西南二十里 忽城集縣北三十里
司馬集縣西北三十五里相傳有浮陽侯司馬耀
封此

右豐縣

夏鎮沛縣東北四十里新河西岸北即滕縣界有
管界分司及泗亭驛明萬曆十六年築夏鎮城
沙河鎮縣西北六十里有公館

戚山集縣西南三十里有公館

右沛縣

直河鎮邳州東南六十里明初置直河驛嘉靖中
改置巡司今因之

新安鎮州西六十里濱河接睢寧界明初置新安
驛嘉靖中改置巡司今因之 余行鎮州北八十里
泃口鎮州西北九十里接山東嶧縣界

源雀鎮州東北金史保大中棄山東地惟戍守邳

州源雀鎮蓋其地當山東衝要也

右邳州

劉馬莊宿遷縣北一百二十里一名劉家莊有巡司

邵店鎮縣東北五十里 小河口鎮縣東南十里
白洋河鎮縣東南四十里與桃源接界

脫車頭鎮縣西北四十里 司吾鎮縣北六十里
歸仁集縣東南 仰化集縣東二十里

右宿遷縣

高作鎮睢寧縣東十五里

子仙鎮縣西南三十里 廟灣鎮縣西北二里

新安鎮縣西北五十里有巡司

木社鎮縣北五十里接州界

沙家集縣東三十里舊有行署今無存

興隆集縣北四十里 沙坊集縣東北三十里

楓山集縣東北四十里

右睢寧縣

太倉州

張涇關在州南三里又半涇關在州東三里吳塘
關在州西三里古城關在州北三里舊志元時四
關俱屬水軍都萬戶府明初屬太倉衛俱分撥官
軍掌守後水道涇塞半涇等三關皆廢唯存張涇
一關

張涇渡太倉南關

施翹河渡崇明至太倉七了港海面四十里

合浜渡崇明縣西平洋沙

界浜渡寶山縣與上海分界

海門第一橋太倉州東水關內即周涇橋

武陵橋鎮海衛前舊名惠安橋

安福橋州城內俗名三洞橋太倉陳門二塘之水

至此交會東出海門第一橋以入海

稅務橋武陵橋西

陳門橋州城內西南跨陳門涇上一名鎮民橋元
至順中建

上岡橋在雙鳳鎮鹽鐵塘

義興橋州東北沙頭鎮跨七浦塘

木魚橋州城南門外普濟寺前一名晉寧橋跨張
涇元袁華宅在其側

右太倉州

湖川塘橋在鎮洋縣治 楊林塘橋

集福橋在鶴王市跨楊林塘

右鎮洋縣

五龍橋崇明縣城東五里壽安寺前

青龍港橋縣東南平洋沙

阜安橋城西四十里東阜平安兩沙交界

外津橋城西三里天妃宮前

欄杆橋縣南沙城南四里

大通橋東北門外跨施翹渡

王丙橋縣東北近享沙

萬安石橋城西二十二里周神廟鎮

右崇明縣

登龍橋嘉定縣治前宋淳祐五年建

賓興橋縣治南文廟前宋淳祐中建明天順中易以石更名青雲橋

永昌橋晏海門內明萬厯中建

拱星橋縣治東北圓通寺西嘉定中建

香花橋城外護國寺前梁天監間建明萬厯三年

重建石橋

嚴泗橋縣西南二十六里跨安亭浦上與崑山青

浦接界

仙槎橋在南翔鎮

虬橋縣西南黃渡鎮跨吳淞江

六和橋縣西北外岡鎮元泰定中建

公塘橋縣北出劉河界

右嘉定縣

月浦橋寶山縣治東月浦鎮元虞集泊舟玩月於

此

海音橋縣西吳淞所西舊名丁家橋

張建浜橋縣南

香花橋在廣福鎮

右寶山縣

雙鳳鎮太倉州北二十四里相傳晉成帝時耕者
斲土皆五色中有石函函二龜化為雙鳳而去故
以名鄉鎮亦因之居民稠密地多名跡又名雙林
因支道林得名

沙頭鎮州東北三十六里明時為州第一都會

璜涇鎮州東北六十里近鎮有涇涇中有石如璜
富人欲取為假山不能起是山根也明成化間勦鎮
塗松市州東北三十五里傍七浦塘舊為塗松鎮
宋元豐間去鎮為市偽吳張士誠嘗築城營兵於
此今圯

諸涇市州東十里

甘草市州東七十里舊名甘樹又名甘林東臨大

洋洪武七年置巡司今因之

右太倉州

茜涇鎮鎮洋縣距州東五十里舊出茜草故名即
宋楊林寨吳元年改置巡司又置稅課局今革

新安鎮距州東北三十六里舊名陸公市與嘉定
分界

右鎮洋縣

楊家河鎮崇明縣東八里 新鎮縣西北三十三里

平安鎮縣西東阜沙 新開河鎮縣東仙景沙

右崇明縣

南翔鎮嘉定縣南二十四里郡志崑山臨江鄉掘地得石徑丈嘗有二鶴飛集其上久之鶴去忽有詩云白鶴南翔去不歸惟留遺跡在名基因建南翔寺即以名鎮明置巡司今如故

外岡鎮縣西十二里為水陸要衝

葛隆鎮縣西北二十里鹽鐵塘西與太倉州分界

明成化中知縣吳哲初建亦名吳公市

右嘉定縣

羅店鎮寶山縣西北三十六里至元間里人羅昇所初故名比閭殷富廛市之盛幾與南翔相埒

江灣鎮縣南二十七里其水自吳淞江屈曲入虬江故名宋紹興中韓世忠以中軍駐江灣即其地淳祐九年又置江灣忠節水軍寨元置巡司明因之今裁

高橋鎮縣東南四十里清浦港之尾南連上海界
東北至海西瀕吳淞江

大場鎮縣西南三十六里宋嘗置鹽場於此

月浦鎮縣西北十二里因水而名明設顧涇巡司
於此

右寶山縣

海州

北闊在海州北五里或云南宋時築此據險戍守

紹興末魏勝敗金人於北關是也

恬風渡海州舊名黑風口後改今名有碑云舟中
人衆休爭渡海上風高且暫停

石湫渡州南二十里

大連河渡海州新壩之上

伊鎮渡州東南九十里

莞瀆渡州東南一百四十里 龍苴河渡右海州

小河口渡贛榆縣南五十里 青口渡縣南十里

龍王廟渡縣北二十里 右贛榆

陳村渡沭陽縣西北七里

水口渡縣北八里 右沭陽

虎西橋海州西門外

沙壩橋州城西二里跨薔薇河

洪門橋州城北里許海潮上逆河水下注之處

小伊河橋州東南六十里 下坊橋州南五十里

青伊橋州西南九十里 九洪橋在石湫鎮

板浦鎮橋州東南四十里

右海州

紫陽橋贛榆縣西門外一里通玉帶河

會潮橋縣北十五里舊名大石橋

石羊橋城北五十里 旦頭橋縣北七十里

潮河橋縣北三十五里 青口橋縣南十二里

范家口橋縣南三十里 唐生口橋縣南二十里

小河口橋縣南五十里 浦北橋縣南六十里

柘汪橋縣城北五十里

右贛榆縣

文峰橋沐陽縣南門外 迎恩橋縣東里許

來春橋縣東十五里

朝宗橋縣東八十里以東近大湖衆水所歸故名

蜜溝橋縣北二里 桑墟橋縣北四十里

蛤蜊溝橋縣西四十里陰平鎮西里許

右沐陽縣

新壩鎮海州南四十里 大伊鎮去新壩五十里

板浦鎮州東南四十里商賈輻輳之所

莞瀆鎮州東南一百四十里

房山鎮州西南六十里其南為濫泥洪鎮

駝峰鎮州西六十里 博望鎮去駝峰三十里

赤岸鎮州西一百五十里接郟城縣界

右海州

青口鎮潁縣東南十里水陸衝要市廛叢集

小沙河鎮縣南十里

大沙河鎮縣南五十里枕岡帶河工賈湊集

臨洪鎮縣南六十里舊有巡司今裁

蠻子灣鎮縣南六十五里

中岡站鎮縣北二十里舊設遞運所今革

班里莊鎮縣西南四十里青墩鎮縣西十八里

荻水口鎮縣東北七十里與山東安東衛接界五

代漢乾祐二年密州刺史王萬敢擊南唐荻水鎮

大掠而還即此明初通海運築土城設主事一員
永樂中改設巡司又有遞運所今遞運所裁巡司
如故

右贛榆縣

新安鎮在沐陽縣去州大伊鎮六十里接安東縣
界

劉莊鎮縣東四十里一名柳莊為往來孔道

興龍鎮縣東六十里 黃軍營鎮縣南七里

鴻溝鎮縣西南十里

渠頭鎮縣北十五里

陰平鎮縣西北四十里舊為縣改鎮

王家莊鎮縣西北七里 北下鎮縣西北十里

下埠集縣東九十里人稠貨聚

右沐陽縣

通州

無同

平濟橋在通州治前宋太平興國中建正統間郡人陳敏構亭其上萬曆四年易以石康熙九年重

建

中正橋州治東唐總章二年建

文武橋州治東南近儒學與守禦所故名

文津橋州治東南一名泮宮橋

龍津橋州東門外一名龍王廟橋正統間以木為

之成化間易以石 端平橋西門外洪武初建

衆安橋望江樓外萬厯中重建

魚骨橋州東餘中場相傳以魚骨為之

通濟橋在白蒲鎮落成之日龍現於河又名見龍橋

右通州

宣化橋如臯縣治南舊名牖橋以木為之今易以石

通江橋縣治東跨市河 通濟橋東四十里丁堰鎮

登津橋縣東六十里白蒲鎮

漢陵橋縣西三里

鎮安橋縣西南二十里

仁和橋縣東九十里馬塘場

惠民橋縣北西場鎮

豐利橋縣東北豐利場

右如皋縣

朝陽橋泰興縣東門內

飛虹橋縣城東南隅為十二景之一

文明橋縣南門外一名望江橋

通江橋縣西門外

周家橋縣城西三十里舊漕米兌軍處

熙春橋縣西北口岸鎮 永豐橋在黃橋鎮

右泰興縣

狼山鎮通州南十五里明嘉靖中以倭警設叅將
府後改設副總兵

國朝順治十七年改設總兵官建中左右三營各設遊
擊守備等員駐城防守而以狼山為控扼之所有
水營署在狼山東當孔道

白蒲鎮州西北六十里接如臯縣界宋紹興四年以金兵蹂踐淮南詔毀通州白蒲堰等務令不通敵騎即此

石港鎮州東北七十里明洪武初置巡司嘉靖中置寨今裁州舊志有利和鎮在州東五十里今湮於江

右通州

丁堰鎮如臯縣東四十里明嘉靖中倭賊嘗犯此

石莊鎮縣南六十里有巡司

西場鎮縣北三十里有巡司

掘港鎮縣東百三十里其東有掘港營去海岸五十里明嘉靖中設東西二營以守備駐防今因之

右如皋縣

口岸鎮泰興縣西北四十五里即故柴墟鎮宋建炎三年岳飛駐泰州以無險可恃退保柴墟鎮即此明置巡司今因之

黃橋鎮縣東四十里即宋永豐鎮嘉靖中官軍敗倭於此有巡司

曹童橋鎮縣東三十里有印莊巡司

馬橋鎮縣西二十里三汊鎮縣西二十五里

馬店鎮縣西北二十里又嘶馬鎮在縣西北六十里接江都界

右泰興縣

江南通志卷二十六

欽定四庫全書

史部

江南通志卷二十七

詳校官給事中臣丁雲錦

檢討臣德生覆勘

總校官編修臣王燕緒

校對官中書臣葉 蓂

謄錄監生臣馬紹基

欽定四庫全書

江南通志卷十七

輿地志

關津

三

橋梁鎮市附

安徽寧池太廬六府

安慶府

集賢關在懷寧縣北十八里集賢嶺上連山迤邐
至此險狹防禦憑焉

北硤關桐城縣北四十里以北硤山而名有巡司

即古南碇戍宋之北碇鎮也

龍井關潛山縣東四十里地名西堡懸崖瀑布最
奇勝

駕霧關在潛山縣西駕霧山下

大關潛山縣西四十里地名籠口又西十里有小
關地名茅嶺

石門渡懷寧縣石門湖中

新河口渡城東五里

宜城渡康濟門外大江之潁江南北所由通也

山口渡去皖口水落渡里許夏秋水溢小舸沂浪

至郡十五里 右懷寧

練潭渡桐城縣南六十里

烏金渡縣東一百一十里

梅渚渡縣東九十里 右桐城

青山渡潛山縣南三十里地名車輞坂

袁家渡縣西六十里 西河渡縣西一里

古角渡縣東五里 右潛山

花橋渡太湖縣北門外為驛使往來孔道

銀杏渡縣南十里通望江

潦水灘渡縣北十五里通英江 右太湖

竹墩渡宿松縣南四十里通涇池鎮地阻長河春
冬流細一葦可航夏秋水泛成湖約廣七里

涇池渡縣南六十里鎮前白荊青草諸湖相接夏
秋抵新溝約三十餘里

赤岡渡去縣三十二里

長港渡縣東六十五里 右宿松

武昌渡望江縣東北三十里

鴉灘渡縣北四十里 黃家渡縣東二里

葛家渡縣東北二里

右望江

大新橋懷寧縣治西石門漳港兩湖之水由此達

江

野螺橋縣治東自皖達京師之孔道

同安橋縣治西有前後二橋清塘水由此入江

石門橋縣西十五里石門湖中

寒塘泊橋縣西淶水鄉

雙城寺橋縣西北大豐鄉

白石橋縣西麻塘湖水出此

高河埠橋縣西北欽化鄉

官豸橋在皖口為郡西孔道

右懷寧縣

桐溪橋桐城縣東門外數十步為京省通津

國朝康熙中重修更名曰子來橋

七星橋縣西一里靈泉寺前

下梨橋縣北三十里黃公橋縣東三十里

孔城橋縣東三十里楊樹灣橋縣東五十里

萬安橋縣東南八十里

黃華橋縣東南一百里

渡仙橋在浮山

鳳凰橋縣南一百里石牌界

義津橋縣南七十里 太平橋縣南三十里

同心橋去縣百二十里

右桐城縣

裴家溝橋潛山縣南五里

皖公橋縣西四里

迴龍橋縣天柱寺前漢武帝登封迴輦處

珠琳河橋縣東十五里亂墩山下

許家河橋縣南十五里

旌駕橋縣西北十五里

試心橋縣西北皖山絕頂

破月橋縣東十里 文峰橋縣南河文峰塔下

右潛山縣

松陽橋太湖縣南五里

臯橋縣南十里

載陽橋縣西三里有馬路口渡在縣西一里南通
望江西通宿松黃梅明萬厯間水道改從東北乃
遷渡於載陽造舟為浮橋後毀重修

黃絲橋縣北七里 倉前橋縣東三十里

梨林橋縣北二十五里

駐馬橋縣北三十里 鮐陂橋縣東四十里

右太湖縣

通濟橋宿松縣東北 黎協橋縣東一里

惠春橋縣東三里 雙荊橋縣東五里

通遠橋縣東三十里楓香堤中秋時夾水蕩漾多
菰菱鳬雁之屬道通太湖望江懷寧

豆溪橋縣東三十五里

上馬橋縣東十五里支水赴河時有山漲

捎衣橋縣東南七十里

烏泥橋縣南十五里

大橋縣西一里跨大河長數百步闊數丈

鎮波橋縣西四里相傳其下有蛟以鐵牌鎮之故名
藕塘橋縣北一里

萬花橋縣北十五里為往來衝要

右宿松縣

化龍橋望江縣南門外明萬厯四年建長一十九
丈高廣俱二丈有奇崇禎十六年建闕其上左兵
再至屢攻不下

躍鯉橋縣南一里以近卧冰橋得名

蘆新橋縣北三十里 駱駝橋縣西北三十里

石橋在縣北六十里接懷寧縣界其水多源懷寧
太湖邊境皆下武昌 沈冲橋縣東北二十五里

右望江縣

皖口鎮懷寧縣西十五里皖水入江之口亦名山
口舊為懷寧縣治三國吳嘉禾六年使諸葛恪屯
于廬江皖口陳永定三年遣將徐度將兵城南皖
口皆其地

長風鎮縣東五十里即古長風沙也明初置巡司
今移郡治

宜城鎮樅陽門外自新遷郡城東南治遂為宜城
鎮

石牌市縣西百里通潛太宿望四邑有上下二集
商旅輻輳即古石牌口也宋開寶七年樊若水
請用浮梁濟采石先試舟于石牌口即此

右懷寧縣

樅陽鎮桐城縣東南一百二十里商民萃聚置馬
踏石巡司於此

孔城鎮縣東三十里

練潭鎮縣南六十里接懷寧縣界以近練潭而名
雙溪鎮縣東百四十里

周潭鎮縣東百六十里

右桐城縣

天堂砦潛山縣西北百里天堂山下有巡司

野人原縣西北十五里宋景炎二年邑人劉源屯

兵於此

右潛山縣

白沙鎮太湖縣西北一百二十里有巡司

小池鎮縣北四十里舊置巡司裁改置小池驛於此

馬路口鎮縣西郭外商賈輻輳之地又西一里曰小馬路鎮

右太湖縣

涇江口鎮宿松縣南百二十里邑中諸水合流於此有巡司

歸林灘鎮縣西南一百二十里江水兩分一派道其前沿流出涇江合大江舊有巡司今裁

小孤山鎮縣東南一百四十里大江在前商賈舟楫所聚有巡司

便民倉鎮縣東南七十里俯臨長河東通望江縣吉水鎮商旅絡繹邑南北糧倉貯此

洿池市縣東五十里今改為鎮或曰即宋龍溪鎮
以在龍湖旁故名

右宿松縣

楊灣鎮望江縣西南三十里舊有巡司今移駐華
陽鎮

急水鎮縣南三里商賈所聚亦名吉水鎮

雷港鎮縣東三十里古雷水從此出明置巡檢驛
丞今皆裁

華陽鎮縣東南十五里有巡司

香草鎮縣西三十里舊設河泊所於此尋裁

右望江縣

徽州府

新安第一關在歙縣南五里紫陽橋上

馬嶺關婺源縣北兩山對峙如戟當休婺之界宋
初猶置戍守後裁

佛嶺關婺源縣東十五里

叢山關績溪縣北三十里地名永安鎮

輦嶺關績溪縣西十五里地名太平鎮

梅嶺關績溪縣東南三十里

五嶺關祁門縣南百里為浮梁入縣之道

漁梁渡歙縣城南 岑山渡縣南十五里

梅口渡縣南十三里 烟村渡縣南三十里

衙口渡縣街口司前 右歙縣

率口渡休寧縣南三十里

長干傍渡在縣十六都

霞阜渡在縣二十四都

臨溪渡在縣二十六都

上溪口渡縣西五十里 右休寧

鵲溪渡婺源縣五都溪北通迴嶺達於郡

古箭渡在縣五都

前溪渡在縣七都江灣

長灘渡在縣十八都

濟口渡在縣八都為浙閩通衢 右婺源

來蘇渡績溪縣西宋蘇轍為今日兄軾自海南歸
過縣視之故名

漁梁歛縣南三里黃山及諸溪水會流於此陡瀉
而下無復停蓄故為津梁以緩水勢前此每有蕩
決市城火災立見形家謂當修復蓄水水勝則火
息康熙二十六年郡紳士輸金萬餘兩甃築堅緻
河西橋縣西門外宋端平初創浮橋亘五十丈榜
曰慶豐元季兵燬明初架木為之弘治間甃以石

易今名橋上有李白舊酒樓

萬年橋縣北門外

紫陽橋縣南五里長數十丈橋南沿溪築堤直達
霞山

練影橋府城外城北西南三面濱水淫霖驟漲往
往漂沒民居明知縣張濤伐石堤之高丈許延紆
數里中壘白石為橋名曰練影護以楊柳橋左向
有酒樓春日聽鶯折柳壺觴咸集於此

武陵橋在縣三十二都

長虹橋縣溪南凡十一洞上有亭臨溪喬木蒼鬱
蒼翠染人登橋遠望儼若畫圖

藻川橋縣西巖鎮文几山側水木明瑟魚鳥依人
梵聲鈴鐸時出林杪舊名余翁橋

孫翁橋巖鎮後豐樂溪上石洞凡九構屋五十楹
琴溪橋縣十七都一名石橋

八柱梁縣南黃墩明萬厯間造舟為梁今仍之

右歙縣

內翰橋休寧縣西門城河上宋寶慶中內相程秘
疊石架木為屋二十楹

閔川橋縣東南三十里

海陽橋休寧縣舊墅原名觀音橋

屯溪橋縣東南三十五里

藍渡橋縣西一十二里

汶溪橋縣南二里 嚮山湖橋縣南三十里

漢口橋縣南三十五里通遂安

阜通橋縣東南十五里

斷石橋縣南鄉聚夾二水會流於此

右休寧縣

萬安橋婺源縣城西 萬石橋縣東十都

衍慶橋縣東四都長田源口

湖山橋縣東湖山為赴郡通衢

塔橋縣北九十里葉村為迴嶺通郡路

水西橋縣北九十里沱川為平鼻嶺通休祁路
朱紫橋去縣一百里為浙嶺通郡路

橫槎橋縣西西鄉諸水並會橫槎自汊口抵縣

花橋縣西四十三都上有花亭

洋潭橋縣西符溪里徽饒通道

右婺源縣

胥溪橋祁門縣北十里胥嶺舊名五馬橋

柏溪橋縣北三十里錦溪橋縣東仰村

華橋縣東十里上翼以亭

雙溪口橋縣西十四都

桃源橋祁門縣仙桂鄉上構亭二十間

梓溪橋縣西良禾嶺下

祁嶺橋縣南祁嶺

右祁門縣

戊己橋黟縣治北宋淳熙中建

東溪橋縣治東宋慶元間建

霽江橋縣東四十里

駟馬橋縣北三十里宋盧諫議故居相近

魚亭橋縣東南三十五里

乳川橋縣東界首鋪橫江橋縣南五里

景星橋縣西北十五里

右黔縣

南關橋績溪縣南門外橋下有倒流朝縣水約九步諺曰九步流東水是也

綠楊橋縣東南二里

永濟橋縣東北十里巖南麓長十有四丈

從安橋去縣十里巖北麓長十有四丈

石痕橋縣東三十五里元至正十年建有亭二十

餘楹

德安橋縣東鄉元大德中建

臨溪橋縣西南二十五里

曹渡橋縣南十里長八十六尺

右績溪縣

街口鎮歙縣東南一百里東至淳安縣八十里即

新安江所經有巡司 新館鎮縣東三十里

巖寺鎮縣西二十五里宋時置官榷酒明初置稅
課局兼置巖寺巡司後裁

右歙縣

屯溪鎮休寧縣東南三十里

萬安鎮縣東南二十里

五城鎮縣西南

右休寧縣

三吳鎮婺源縣東七十五里唐李黃巢寇亂兵馬使汪道安等守婺源次子潰分戍於此

高砂鎮縣西南三十里元置高砂稅務於此

右婺源縣

閃上鎮祁門縣南九十里

柏溪鎮縣北三十里到湖鎮縣南一百里

右祁門縣

廟口鎮黟縣西二十里

魚亭鎮縣東南三十五里

右黟縣

河東市績溪縣東一里

華陰鎮縣南三里

龍塘鎮縣南十五里

臨溪市縣南二十里 鎮頭縣西北三十里

右績溪縣

寧國府

千秋關在寧國縣東一百三十里千秋嶺上路通於潛縣阮村天目志亦載之

董嶺關縣東少南八十里通孝豐廣德二界

長洪關縣東三十里通廣德上冲

唐舍關縣東南一百里路通孝豐上梅西溪

豪塹關一名豪阡關縣東南一百二十里通於潛

天目山

馬頭嶺關縣南一百三十里路通昌化縣界

分水嶺關縣西南八十里西坑山上路通宣城華陽為縣要口

盤坑嶺關縣西三十里

叢山關縣西南二十里籠叢山與績溪縣分界

獨蛇關縣西四十五里 右寧國

新城渡宣城縣北館驛前三汊河口宛句二溪合流處

新河渡縣北五十里塞口山渾水港為蕪關譏查

竹木之所

句溪渡縣北三里

青弋江渡縣西六十里與南陵縣分界 右宣城
于村渡南陵縣東北三十五里

龍潭渡縣東北四十里

染村渡縣北五十里

章公渡縣東北十五里 右南陵

耿姥渡涇縣西北介萬山之中為上游支流所匯
由此以趨于江 馬頭渡縣北三十五里

麻溪渡縣西南一百里山環水匯涇邑勝地

赤灘渡縣北二十里柏山下

江村渡縣南五里

巖潭渡縣南十里 右涇縣

波羅溪渡寧國縣南四里路通於潛孝豐二縣

五河渡縣北十里 西潯渡縣北二十五里

石口渡縣東五十里石口鎮

桃源渡在潯潭西

亭頭渡縣南十五里赴浙省孔道 右寧國

松巖渡太平縣南三里即夏家渡

龍門渡縣西北五十里舊名何家渡

安仁渡縣西五十里水源出黃山曲折亂流舊有

十六渡今不存 東溪渡縣朝宗門下

穰溪渡縣西六十里即陳村渡水出黃山至安仁

渡口合舒水東北流 右太平

鳳凰橋宣城縣東泰和門外跨宛溪長三十丈廣

二丈六尺

李公橋縣東十里

濟川橋陽德門外跨宛溪上曰鳳凰下曰濟川皆隋開皇中建李白詩雙橋落彩虹即指此也

惠濟橋縣東八里跨東溪長四十丈廣二丈五尺高四丈五尺

通津橋在通津渡

飛橋一名引虹橋縣東南栢枏山下飛流界道跨岫為梁宋淳熙中建明萬厯中改建構亭其上凡七楹

浮橋城北百有十里為水陸津要與當塗縣分界
沙河橋縣南十五里與新安橋皆跨張家湖水

新安橋縣南十里 橫澗橋縣南十三里

鳳村橋縣南二十五里

寒亭橋縣西四十里 七里橋縣北七里當孔道

橫埭橋縣北橫埭山下

硤石橋縣北十三里硤石山下

水碧橋縣東北水陽鎮東岸北接高淳縣界

右宣城縣

籍山橋南陵縣東一百五十步

通濟橋縣東六百步一名青陽橋宋淳祐三年建
沿墅橋縣東十五里 荻塘橋縣東二十五里
降仙橋縣東南一里承天觀前

獅子橋縣南六十步 鵝嶺橋縣南二十里

澄清橋縣南三十里 揚干橋縣南四十里

上港橋縣西五里 後港橋縣西北一里

黉塘橋縣西二里舊名西溪橋

龍會橋縣北一里以縣西龍池縣南水龍洞二水會流於此故名
麻橋縣西北二十五里

右南陵縣

賞溪橋涇縣西五里白雲寺前舊縣治之側

通靈橋縣西五里跨後山塘水

斗門橋縣西七里楓坑水出其下

鎮定橋縣西二十里
管林橋縣西三十五里

雙澗橋縣西三十五里

風光橋縣西北一里

嚮山橋縣西北十里路通南陵跨新村澗水

昌壩橋縣北十五里跨黃埭澗水

殿頭橋縣北二十里跨永豐陂

洗馬澗橋縣北三十里

琴溪石橋縣東北二十里

三橋縣東七里三橋相望故名

佛子溪橋縣東二十五里

慈坑石橋縣東四十里

白花橋縣東四十五里

深渡橋縣東五十里當太平鋪官道有溪自旌德
流至此盤旋者三故名深渡

石鼓橋縣東南五十里

欽賢橋縣治南跨市河宋建

萬壽橋縣南五里
汪陂橋縣南十里

皇甫橋縣南三十里 藍石橋縣南三十五里

花林橋縣南六十里

鳳凰橋縣南五十里元至正間建

右涇縣

西津渡橋寧國縣西二里明嘉靖中建高四丈長

四十丈廣二丈 通濟橋縣西四十里

赤坑口橋縣西五十里跨官壩溝水

金鳳橋縣西三十里舊名永寧橋

泗公橋縣西六十里 葉莊橋縣西四十里

環溪大橋縣西九十里

河漚溪橋縣東五里

萬家橋縣東八十里徽浙通衢千頃塘道場坪諸
水匯焉

東山渡橋縣東五十里與石口鎮對跨昌化於潛
孝豐廣德諸界溪水 白石橋縣南五里

冷渡橋縣東南九十里宋寶祐間建

祿青橋縣東南一百一十里左青山右萬祿山故名長百尺廣二尋 西灣橋縣南二十里

奚頓橋縣南五十里元建

前鶴橋縣南八十里元建

利市橋縣南一百里 雙溪橋縣北十里

澄清橋縣北三十里上有亭三楹

右寧國縣

淳源橋旌德縣東上東門外跨徽水當閭闔往來

之衝宋元豐中建舊名平政又名跨雲

駕虹橋縣東中東門外

隱僊橋縣治東

惠濟橋縣東跨東溪一名楊下溪橋

安豐橋縣南門外元至正中建

桂枝橋縣南六里 隱龍橋縣南十里

橫鳧橋縣西十里 玉溪橋縣西十八都

東固橋縣西二十里西通黃華嶺南通太平

孫村橋縣西三十里 石壁橋縣北二十五里

跳僂橋縣北十里鳧溪南流水口

藁口橋縣北十里鳧溪北流出口處

南河橋縣北三十里縣境諸水匯此

右旌德縣

仙源橋太平縣南門外舊名富溪橋宋紹興中建

金墩橋縣南十里 迄溪橋縣南二十五里

永鎮橋縣南四十里 官橋縣東十五里

永興橋縣東二十五里

東坑口橋縣東南箬嶺下

衆安橋縣西北宋淳祐中建

望仙橋縣西五里

三思橋縣西街跨三門嶺水

大橋縣西二十里
梅溪橋在縣東北

八仙橋縣東鄉一溪長流獨石橫亘長丈餘闊四尺厚二尺許初建時石重莫能致忽一夕移置溪

上相傳為仙跡云

右太平縣

水陽鎮宣城縣東北七十里臨大溪上溪北與高
淳縣接界有巡司戍守又兌軍倉及義倉皆置於
此

黃池鎮縣北一百一十里與當塗縣接界唐大順
二年楊行密將田頔引兵邀孫儒於此有巡司戍
守

灣址鎮縣西北八十里青弋江所逕鹽艘鱗集商販輻輳

右宣城縣

清弋江鎮南陵縣東三十里

鵝嶺鎮縣南二十五里鵝嶺下明置巡司今因之
右南陵縣

黃沙鎮涇縣東黃沙嶺下唐武德六年舒州總管張鎮周擊輔公柝將陳當世于猷州之黃沙即此

馬頭鎮縣東北三十里下臨大溪商舟輳集於此
赤灘鎮縣東北十五里

下坊鎮縣北五里

右涇縣

河漑溪鎮寧國縣東五里

五河渡鎮縣北十里 港口鎮縣北三十里

東岸鎮縣西五十里

胡樂鎮縣西南九十里有巡司

右寧國縣

三溪鎮旌德縣北三十里石壁山有巡司

廟首鎮縣南四十里江村鎮縣南五十里

右旌德縣

宏潭鎮縣西南一百二十里有巡司

右太平縣

池州府

嚴闕在石埭縣北琉璃嶺

清溪渡貴池縣城外 杜塢渡城西五里

黃湓渡縣西九十里 右貴池

朱家渡青陽縣北三十里

河口渡與朱家渡相近俱臨官道 右青陽

舒溪渡石埭縣南門外為一邑通津溪旁林木蒼蒼多酒樓

迎春渡縣東門外 右石埭

江口渡東流縣城南大港

鐵山渡縣西南二十里

香口渡縣南六十里 石潭渡縣東四十里

張家灘渡去縣三十五里

鴈汊渡縣北七十五里

右東流

靈芝橋貴池縣東三十五里

興濟橋縣東南九華門外

胭脂橋縣東南一百里近天井山

溥濟橋通遠門外舊名濟川橋

白沙橋縣南十里白沙鋪左

湘潭橋縣南二百里

山口橋縣西南五里石灰冲口

黃澗橋縣西七里 炭埠橋縣西二十二里

雁斷橋縣西四十里近蕩石湖

虹昇橋縣西五十里 神山石堰橋縣西八十里

右貴池縣

清平橋在青陽縣舊名定星橋

高陽橋縣東賓陽門外宋淳熙十四年邑令許介
建介高陽郡人因名 洞仙橋縣東二十里

補助橋縣東二里明萬歷四年重建橋北有補助
亭故名舊名塔泥橋 烏潭橋縣東四十五里

藍陂橋縣東十七都其港通藍陂澗故名

黃沙橋縣東南二十五里青石山下元建跨大溪
大分流嶺水及斜山竹塔諸流匯焉

青龍橋縣東北二十里

橫澗橋縣東南四十里大分流嶺下

社橋縣東六十里抵南陵界

匯源橋縣西八都

白鶴橋縣西十五里以水源自白鶴池故名

化成橋即五溪橋縣西二十里五水合流于下故

名宋慶元中建

柯冲橋縣北十六里

塔水橋縣南三十里林口之上

分川橋縣南四十五里小分流嶺下

南流橋縣南六十里陵陽鎮西

蒲塘橋縣市北舊名洄湟橋宋嘉祐中建

烏金橋縣北十里抵貴池界

城山橋縣北四十里

右青陽縣

太平橋銅陵縣治東大街即唐埠橋

舊河橋縣西南

新河橋縣北新河口

橫塘橋縣東門外又一在縣東五里通順安大路
順安橋縣東十五里順安鋪大街

鳳心橋縣東十五里鳳心牕

棲鳳橋縣東十五里

大高橋縣東三十五里通郭嶺大道

胡城橋縣東四十五里受鳳凰諸溪水通荻港

周家橋縣南四里 橫溪橋縣南三十五里

黃澍橋縣東北六十五里接繁昌縣界

通濟橋縣大通鎮

右銅陵縣

義興橋石埭縣西一里

千秋橋縣南十五里

洪口橋縣西五里為徽寧通衢

大溪橋縣西四十里一名迎春橋

楊潭橋縣西南一百五十里鷹科巖下為徽池通

衢

政通橋縣北十五里舊名夾溪橋後更為通遠橋
皆為溪漲衝圯

國朝順治二年重建

望仙橋東門外跨後溪

永豐橋縣東三十里

右石埭縣

廣濟橋建德縣南門外跨茹蘭溪宋開禧中建
擊壤橋縣南二里跨堯城溪

納履橋縣南二十五里

官田橋縣南五十里 龍口橋縣南八十五里

昭潭橋縣南百里 祥林橋縣南一百二十里

南溪橋縣東南四十里

朝宗橋縣東十五里

小陽橋縣東七里左達低嶺右達高嶺

會川橋朝宗橋東水自寶峰山出會于朝宗故名

惠政橋縣西門外跨茹蘭溪宋嘉定中建

廣利橋縣西四十五里宋建

龍潭橋縣東三十里望京橋縣北門外

杏花橋縣北四里查冊橋縣北十五里

舜王橋縣北二十里歷山

右建德縣

建東橋東流縣東南唐豐上鄉接建德縣冷水港

黃蓮橋縣東唐豐下鄉

石橋縣東三十里有鋪

藍橋在縣晉陽鄉

雙河橋縣晉陽鄉

瓦壠橋縣北八都

石板橋在縣治十四都

右東流縣

池口鎮貴池縣西北五里黃龍磯上舊有巡司今裁

清溪鎮二上清溪鎮在縣南十里下清溪鎮在縣東北五里

靈芝鎮縣東南三十五里

齊山鎮縣南齊山下

白洋鎮縣南三十里

殷家匯鎮縣西南六十里

右貴池縣

金山鎮青陽縣東六十里俗名黃荊塌通南陵縣

吳潭鎮縣東北二十五里俗名竹木潭

慕善鎮縣西二十五里前通五溪河

陵陽鎮縣東南六十里接石埭界即故陵陽縣也

舊置巡司今裁

銅埠鎮縣北二十里

管埠鎮縣北二十五里上三鎮俱通大通河

右青陽縣

大通鎮銅陵縣西南四十里枕山面江商旅鱗集
有荷葉洲以殺洶濤有羊山磯以障下臂最便泊
舟重載巨艦多聚於此有巡司舊有大通驛及遞
運河泊所今革

順安鎮縣東三十里宋鎮即古義安縣舊置臨津
驛久裁

黃許鎮縣東六十里接繁昌縣界

城狀鎮縣北鵲頭山側即古鵲頭鎮也舊有巡司
今革

右銅陵縣

留口鎮石埭縣西南 下村街

橫船渡

七里街

右石埭縣

永豐鎮建德縣南九十里有巡司

古港鎮縣西三十五里

葛公鎮縣東三十里

堯城鎮縣南二里商民萃處貿販頗盛

右建德縣

香口鎮東流縣西南四十里宋末移望江縣治於此元初還舊治明置巡司今移于吉陽

吉陽鎮縣北三十里有巡司

張溪鎮縣東三十五里

雁汊鎮縣東北八十里接懷寧縣界舊置巡司久

裁

右東流縣

太平府

蕪湖鈔關在蕪湖縣西濱河南岸有關差駐劄以
權商稅

花津南渡當塗縣溪南十字圩東岸北達薛鎮丹
陽南通宣廣為往來津要

小花津渡縣南五里津係往省及徽寧徑路岸陡

水漲涉濟維艱土人造石梯并置田為渡船費行人便之
湯家渡在縣南五里

黃池縣南七十里 官陡門渡縣南三十五里

烏汊港渡縣東南九十里

采石渡縣北二十五里 右當塗

櫓港渡蕪湖縣南十里

石碇渡縣南三十五里

濮家店渡縣東七里

落蓬灣渡縣東三十里 右蕪湖

趙家埠渡繁昌縣東南四十里

黃墓渡縣西南四十里與黃蓋墓相近故名

汪冲渡縣西二十五里

盛家渡縣東南五十里 右繁昌

南津橋當塗縣城南一名上浮橋跨姑孰溪

采虹橋縣西南一名下浮橋跨姑孰溪

慶成橋縣城內十字街東

彰義橋縣東

襄成橋縣北門外明太祖伏兵于襄成橋擒元將

陳埜先即此

長橋在縣東南八十里

留愛橋縣東南黃池鎮

丁家橋縣東薛鎮

博望橋縣東貴遊鄉

龍山橋縣南七里

葉家橋近花津渡有五洞康熙五十八年大水衝
圯雍正九年土人重建

右當塗縣

通津橋蕪湖縣城南大河造舟為梁以通往來即
便民橋一名浮橋

孝烈橋縣東南一里金馬門外即宋烈女詹氏投
水處一名市東橋 富民橋縣西南五里

太平橋縣西北一里通南北驛路

麻浦橋縣西南十五里

廠橋在縣西工部廠前

獅子橋縣西二里

新橋在縣北十八里

大小丁橋縣北七里

陶陽橋縣北二十里

右蕪湖縣

聚奎橋繁昌縣西城內

百子橋縣東門外

官壩橋縣東十里

魯興橋縣東三十里

龍溪橋縣東南三十里隱靜寺左其右為虎溪橋

分界橋縣東南四十里接南陵縣界

雙股橋西門外跨城濠

遠德橋縣西二十五里

黃澥橋縣西三十里黃澥鎮

石壘橋縣西三十五里

上峩橋縣南門外跨城濠

橫山橋縣北三十五里

得勝橋縣北五十里荻港鎮

沉浦橋縣東北三十里

公孫橋縣西北四十里公孫山下

聚春橋縣西北四十里舊縣鎮

右繁昌縣

采石鎮當塗縣北二十五里牛渚山上西接烏江北連建業與和州橫江渡相對有巡司

慈湖鎮縣北四十五里為宋舊鎮有公館

黃池鎮縣南八十里宋舊鎮也鎮北為縣界跨河而南為宣城西達蕪湖東抵高淳廬市相連舟車

四集為縣巨鎮有公館又東十里有烏溪鎮與宣城高淳壤地相錯

薛鎮在縣東三十里即宋薛店鎮

青山鎮縣南三十里青山之南為宋舊鎮

亭頭鎮縣東南四十五里

唐溝鎮縣東南一百里

大信鎮縣西南三十里大信河口有巡司

右當塗縣

河口鎮蕪湖縣西大河口舊有巡司今移于魯港
魯港鎮縣西南十五里商旅駢集為防守要地河
口巡司移治于此

石碓鎮縣南三十五里與南陵接界晉桓彝為宣
城內史蘓峻之亂出屯石碓即此

河南市縣治南沿河東西十里闌閫相接
山口市縣南十五里為驛遞孔道多旅店
二十里市縣南驛遞往來與山口同

右蕪湖縣

荻港鎮繁昌縣西北五十里有巡司把總戍守

我山市縣南關外金我山下

舊縣鎮縣西北四十里

黃澣鎮縣西南三十里即宋黃火鎮

三山鎮縣東北三十里濱江有公館有巡司

我橋鎮縣東北三十里明初嘗置繁昌河泊所於

此

新林市縣東南三十里有公館

右繁昌縣

廬州府

廬鎮關在合肥縣西南百餘里接舒城縣界

冷水關廬江縣西三十里兩山夾道如門相傳三國曹魏設隘於此今有巡司戍守

東關巢縣東南濡須山麓濡須水所經也

陡巖關巢縣東北三十里一名斗陽關為滁和通

道兩山陡峻中開一逕登者甚艱昔人於此置關
又名陡陽關

淮浦渡合肥縣治水西門外

中派河渡去城三里 右合肥

沙河渡舒城縣 桃溪渡

龍津渡 右舒城

柴埠渡廬江縣南十五里

馬頭口渡縣東北六十里

梅林渡縣東南五十里

三河渡縣東北六十里 右廬江

沙江口渡無為州東南二十五里

鐵猫河渡州東北四十里

廬江渡州西北五十里

永安河渡州南四十里

張溪渡州南四十五里 右無為州

東口渡巢縣南便民倉前

羅家渡在柘皋河口

柳家渡縣西南晏公廟前今移陸家嘴

桐陽河渡

徐家渡 右巢縣

鎮淮橋合肥縣城內鎮淮樓北一名市橋

飛騎橋城內即孫權為張遼所襲乘馬越渡處舊

名西津橋一名逍遙橋

淝寧橋縣西關外

歲豐橋城內教弩臺前一名九獅橋

通津橋縣大東門外一名牐橋

靈觀橋縣東時雍門外

唐陽橋縣東四十里 石塘橋縣東七十里

西豐橋縣西七十里

通濟橋縣東四十里店埠鎮

馬埠橋縣西九十里

派河橋縣西四十里派河鎮

太平橋縣北二十里

雙港橋縣南九十里三河鎮

圓疇橋縣北六十里

永安橋縣西四十里下有巨巖其水獨西注蓋即
宋之永安鎮也一名城西橋

新建橋縣北八十里

麻埠橋縣北一百三十里通定遠官路

右合肥縣

魚市橋廬江縣治東南一名鐘樓橋

臨仙橋縣東門外初以木為之明宣德中易以石
沙溪橋縣南十五里有上下二橋相去五六里許
繡溪橋縣西岡外俗名劉家橋

金牛橋縣西北四十五里長五十丈

昇仙橋縣南門外 羅昌橋縣南四十里

重錦橋縣大西門外 九里澗橋縣西九里

洪關橋縣西二十里 三澗橋縣西四十里

羅家埠橋縣北二十五里

銅關橋縣北三十五里

青山橋縣東北六十里

右廬江縣

望湖橋舒城縣治東首

南舒橋縣南即周瑜橋

南清橋縣治南

梅心橋縣南梅心驛

春秋橋縣南春秋山下

桃城橋縣北桃城鎮

右舒城縣

鬪錦橋無為州南門內以錦繡溪水與衆流會故

名

迴龍橋州儒學西以溪水迴旋得名

東津橋州大東門外 九華橋州南門外

花林橋州東北倉埠門外

李師橋州西十五里 橫步橋州西北一十五里

張陰橋州西北十二里

新嶺橋州西北十五里

石澗橋州北三十里 峽山橋州北四十里

黃姑橋州西南九十五里

開成橋州西南五十里

右無為州

浮橋巢縣城南跨大河明初嘗權往來商稅於此
玉蘭橋縣西北六十里柘皋街

孔臺橋縣西北五十里俗名孔探橋

尉子橋縣北黃山東十里宋紹興中營州觀察使
姚興與金拒戰死於此

珍珠橋縣東門外 抱書橋縣東五里

雙橋縣西十里 鳳舒橋縣南四十五里

高林橋縣南六十里 荷葉澗橋縣西南八十里

通駟橋縣北門外 紫微橋北七里

右巢縣

三河鎮合肥縣南九十里外環兩岸中峙三洲而
三水貫於其間故曰三河

清水鎮縣北一百里宋開禧中以濠州陷嘗移治
於此

石梁鎮縣東一百二十里接巢縣界有巡司

店埠鎮縣東四十里宋紹興十一年楊沂中拒金
於店埠乘勝復廬州即其地

青陽鎮縣南六十里 長城鎮縣西九十里

右合肥縣

金牛鎮廬江縣西北四十五里金牛山下即故金

牛城

黃屯市鎮縣東南六十里相傳黃巢屯兵於此

沙溪市鎮縣南十五里

羅昌市鎮縣南五十里

盛家橋鎮縣東北五十里

右廬江縣

牧馬市鎮舒城縣西三十里即故周瑜城

上陽鎮縣東二十五里

九井鎮縣西四十五里

桃城鎮縣北三十里

右舒城縣

黃落河鎮無為州東北三十五里有巡司其西有黃落河倉每歲交兌軍糧於此地

鶴毛河鎮州南七十里

土橋河鎮州西南一百二十里有巡司

襄安鎮州東南五十餘里

峽山鎮州北四十里

泥汊河鎮州南四十里有巡司

右無為州

柘皋鎮巢縣西北六十里

桐陽鎮縣西五十里

呂婆店市縣南十里人烟輳集有秀山鋪通無為

州驛路

十字河鎮縣南七十里

下閣鎮縣西北三十里

右巢縣



江南通志卷二十七